

Les plus anciens documents linguistiques de la France

Corpus : (chJuBe)

Responsable du corpus : -

Édition de la charte : -

docJuBe246

Édition critique

1346 (n. st.), 2 mars.

Type de document: charte: vente

Objet: Vente par Estevenet dit Gueron, de Fahy, et par Sebilete, sa femme, autorisée par son mari et par Estevenin, fils de Vauterin, d'Abbévillers, son avoué, à Thibaut de Rocourt, écuyer, fils de feu Jehannenet de Rocourt, écuyer, pour 67 s. d'estevenants ayant cours en l'archevêché de Besançon d'une chenevière de franc-alieu à Fahy. Témoins: Jean, curé de Courcelles, et Vienat, serviteur de Richart dit Vaydrel. — Acte établi au nom et sous le sceau de l'official de Besançon par Huguenin Jean de Boncourt, notaire.

Verso: Spectat ad Th. de Rocourt. — Fay (xiv^e siècle).

Transcription de la charte

1 Nos, *officials* de lai court de Besençon, **2** faisons savoir a touz **3** que, par devant Huguenin Jehan de Boncourt, cleric, notaire et jurei de lai dite \2 court, nostre comandemant expecial a quel, quant es choses que sunt ci après escriptes et quant a plus granz, nos havons commis et comma\3tons par ces presentes lettres nostre pouhoir et y-adjostons foiz plus pleniere, pour ce en droit personalmant estaubli et \4 venant, Estevenaz diz Guerons, de Phey, et Sebellate, sai feme, par les lox et auctorité dou dit Gueron, son mari, et de \5 Estevenin, fil Vatherin, d-Abevelair, son leal vouhey donei a ley par une uverte justise por ce et pour plusours autres choses \6 sesant en justise uverte et par leal jugemant, presenz et auctorizant, hont recoignu publiemant qu'il, non mie decehu \7 ne baretez, mais pour lour proffit evident, hont vendu et vendent, pour lour et pour lor hoirs, ai toz jours-mais, \8 et uns-chascuns de lour pour le tout, ai Thiebaut de Rocourt, escuier, fil Jehannenat de Rocourt, escuier, qui fu, \9 pour lui et pour ses hoirs, aichetant, une huiche de franc [aluef] que siet ou territoire de Phei, on Pouz de Prey, entre \10 le Grant Curtil d-unne part et dit Bons Morsez et sui partaiges hont d -autre part, pour seixante et sept solz de bons \11 estevenans corsables et recipiables en l-arceveschie de Besençon, que li diz venditour en hont hahu et recehu \12 dou dit aichetour et les hont mis et convertiz en lor evidanz proffiz, par qu'il s-an sunt tenu et s-an tienent por \13 bien pahiez entieremant. **4** Et se sunt devestu et se devestent li dit venditour, par les lox et auctorité que dessus, pour \14 lour et pour lor hoirs, perpetuelmant et uns-chascuns de lour pour le tout, de lai dite huiche de franc aluef, et le \15 dit aichetour en hont investu et mis en bone et leal tenure et en corporal possession, ou aussi par lai tradiction \16 de ces presentes l

ettes, pour lui et pour ses hoirs. 5 Et ceste dite vendiciom et totes et singuleres les choses dessus dites hont \17 il promis, par lor soiremanz donez corporalment, pour lour et pour lor hoirs, en lai main de nostre dit coman \18demant, sollempnel stipulacion entrevenant, et suis l-obligacion de toz ses biens moubles et non moubles, presenz \19 et a-venir, tenir et garder farmemant ai toz jours-mais, et chascuns de lour por le tout, a dit aichetour \20 et hai ses hoirs, garantir et appaisier de franc aluef par tant de temps come leal tenure s-affiert en \21 Ajoye, en tous lues, en jugemanz et deffuers, et encontre ^[1] touz, senz gemais venir encuntre ^[2] lai tenour \22 de ces presentes lettres en nul caus, et senz consentir que nuls autres y voingne, en apert ou en rescondut, \23 en lour et lor hoirs submattant, par les los et actorité que dessus et chascuns de lor por le tout, a lai juridiction de \24 lai court de Besençon et de totes autres cours pour estre controinz a l-observacion des choses dessus dites, non obstant totes excep\25cions. 6 En tesmoignaige de lai quel chose, nos, a lai relacion de nostre dit jurei, avons mis le sel de lai cort de Besençon en ces \26 lettres. 7 Faites et donees, presenz monssi Jehan, curei de Corcelles, et Vienat, garçon monssi Richairt Vendrey, le secont jour de mairs, l-an mil \27 trois-cenz et quarante et cinc. 8 H. J. de Boncourt.

Notes de transcription

^[1] Ainsi coupé: en contre.

^[2] Ainsi coupé: en cuntre.